

## MISA CON NENOS

13 de xuño de 2021 - T. O. 11-B

Marcos 4, 26-34: "É a semente  
máis pequena e faise máis alta  
que as demais hortalizas"



**Unha pequena semente de FE  
fará do meu deserto un xardín**



## 1. ACOLLIDA

**(Monitor:)** Irmáns e irmás: sede benvidos a esta celebración no día do Señor. Reunímonos como crentes, como Igrexa para dar grazas a Deus e a escoitar a súa Palabra que nos orienta, ensínanos e anímanos na nosa vida diaria. Hoxe as lecturas deste domingo 11 do tempo ordinario invítannos a cultivar a semente da fe nas nosas vidas que fará cambiar o deserto da nosa vida nun fermoso xardín. Pidamos o don da fe. Acudamos ao bo xardineiro que é Deus para que faga xerminar, crecer e espertar o tesouro da fe nas nosas vidas para dar abundantes froitos.

*(O Cartel de Fano deste domingo cunha cestiña de sementes).*

**Saúdo do sacerdote:** *No nome...*

- *Que Xesús, que é a semente enterrada que deu froitos de perdón e de salvación, sexa convosco.*

## 2. PETICIÓN DE PERDÓN

**(Sacerdote:)** *Nun momento de silencio, poñámonos ante Deus e pidámoslle que nos renove e nos perdoe.*

- **(Neno-nena):** Por non ser máis entusiastas coas cousas de Deus. Por non ofrecer as nosas mans alá onde son necesarias para que Cristo siga falando e vivindo. ***Señor, ten piedade de nós.***

- **(Pai-nai):** Porque non nos damos conta de que o Señor segue sementando con amor e con paciencia a través de nós. ***Cristo, ten piedade de nós.***

- **(Catequista):** Por crer que todo depende de nós cando é Deus o que fai xerminar e crecer a fe. ***Señor, ten piedade de nós.***



# LECTURAS

## 3. MONICIÓN ÁS LECTURAS

Hoxe no evanxeo, escoitaremos en parábolas como crece o Reino de Deus, esta vez como o trigo ou a mostaza. Na lectura de Ezequiel, o Señor fai crecer dunha semente unha gran árbore, que todos poderán ver. E S. Paulo afirma que nosa gran ambición non ten que ser outra que a de ser fieis ao Señor e vivir na súa presenza.

**EZEQUIEL 17, 22-24:** *Yo exalto al árbol humilde.*

Isto di o Señor Deus: «Tamén eu escollera unha rama da cima do alto cedro e plantaraa; das máis altas e novas ramas arrincarei unha tenra e plantareina no cume dun monte elevado; plantareina nunha montaña alta de Israel, botará brotes e dará froito. Farase un cedro magnífico.

Aves de todas clases aniñarán nela, aniñarán ao abrigo das súas ramas.

E recoñecerán todas as árbores do campo que eu son o Señor, que humillo a árbore elevada e exalto a humilde, fago secarse a árbore verde e florecer a árbore seca.

Eu, o Señor, díxeno e fareino».

*Palabra do Señor.*

**SALMO 91:**

***É bo darche grazas, Señor.***

**2 CORINTIOS, 5, 6-10:** *No desterro ou na patria, esforzámonos en agradar o Señor.*

**MARCOS 4, 26-34:**

*É a semente máis pequena, e faise máis alta que as demais hortalizas.*

**Narrador:** Naquel tempo, Xesús dicía ao xentío:

**Xesús:** -«O reino de Deus parécese a **un home que bota semente na terra**. El durme de noite e levántase de mañá; a semente xermina e vai crescendo, sen que el saiba como. A terra vai producindo froito soa: primeiro os talos, daquela a espiga, despois o gran. Cando o gran está a punto, métese a fouce, porque chegou a sega».

**Narrador:** Dixo tamén:

**Xesús:** -«Con que podemos comparar o reino de Deus? Que parábola usaremos? Cun **gran de mostaza**: ao sementalo na terra é a semente máis pequena, pero logo de sementada crece, faise máis alta que as demais hortalizas e bota ramas tan grandes que os paxaros do ceo poden aniñar á súa sombra».

**Narrador:** Con moitas parábolas parecidas expoñíalles a palabra, acomodándose ao seu entender. Todo llo expoñía con parábolas, pero aos seus discípulos explicáballo todo en privado.

*Palabra do Señor.*

**(Narrador- Xesús)**

#### 4. ORACIÓN DA COMUNIDADE

*(Sacerdote) O mesmo que o labrador espera con ilusión os froitos da semente, tamén nós achegámonos ao Pai con fe dicindo:*

**-Pedímoscho, Señor.**

1.- Para que reine no mundo a paz e entre nós o amor e a alegría.  
**Oremos.**

2.- Para que aprendamos a valorar as pequenas cousas, os detalles, os pequenos xestos que alegran a vida de tantos. **Oremos.**

3.- Para que traballemos unidos e saibamos facer felices aos demais.  
**Oremos.**

4.- Para que os pobres, os parados e os que sofren reciban o noso apoio xeneroso. **Oremos.**

5.- Para que construamos o reino de Deus dando froitos abundantes de amor e fraternidade. **Oremos.**

6.- Pola nosa comunidade parroquial para que sexa un lugar de encontro, de acoleta e de envío. **Oremos.**

7.- Polos esforzos de tantas persoas, sacerdotes, catequistas, grupos de pastoral? Para que sigan sementando de palabra e de obra. **Roguemos ao Señor.**

*(Sacerdote) Ven, Xesús, queda connosco, dános calor e esperanza, dános alegría e fe. Por XCNS. Amén*

## 5. PRESENTACIÓN DE OFRENDAS

### UNAS SEMENTES:

Ofrecémosche, Señor estas sementes e dicémosche: Contigo, Señor, sementaremos ilusións e esperanzas nun mundo que chora perdido, alegría e fortaleza aos que caen na tristeza, amor ao ceo cando digan que Ti non existes, a túa presenza salvadora cando nos atopemos perdidos.

Dános a alegría de saber que somos sementes do teu Reino.

### PAN E VIÑO

Co pan e co viño ofrecémosche, Señor, o traballo de tantos que colaborasen na construción do teu Reino de paz, de xustiza, amor.

Que non nos cansemos nunca, que a nosa fe sexa grande e que sintamos ti es o motor, a forza imparable.

## 6. SUXESTIÓNS

- Trala Pascua e as grandes solemnidades lemos de novo o evanxeo de Marcos do tempo ordinario. É este tempo o da vida cotiá, sen as grandes festas. Cor verde.
- No evanxeo lemos dúas parábolas: a semente que crece soa (sobre a forza que ten dentro a mesma semente) e a do gran de mostaza (desde a pequenez faise grande). É o que pasa coa fe e co proxecto do Reino de Deus para o mundo, un proxecto de amor. Xa na primeira lectura Deus fala de que fai crecer dunha semente unha gran árbore que todos poderán ver.
- O conto "Pequenas sementes", pódenos axudar a explicar a importancia do pequeno, que podemos pasar pola vida sementando pequenas sementes que van xerminando e transformando o mundo: transmitir esperanza, derramar compañía, regalar tenrura, estar cerca do que o pasa mal?, esas tamén son as sementes do Reino. Ver en <https://www.youtube.com/watch?v=e0850Awo7Yk>

### O CONTO DA SEMENTE

Oculto no corazón / dunha pequena semente / baixo a terra unha planta / en profunda paz  
durmía.

Esperta! dixo a calor. / Esperta!- a choiva fría. /

A planta oíu a chamada, / e quixo ver que ocorría.

Púxose un vestido verde / e estirou o corpo cara arriba. De toda planta que nace, / esta é a  
historia da vida. (Manuel F. Juncos)

*Nunca sabrás el alcance de tus obras.*

*Nunca sabrás la capacidad  
de las semillas que siembras.*

*Pero no pienses en ello,*

*simplemente siembra*

*y siéntete feliz en ello.*

# ORACIÓN DE GRAZAS

*O que quero ser*

Señor: quero ser un pastor que vele polos seus;  
árbore frondoso que dea sombra ao canso;  
fonte onde beba o sedento.  
Quero ser canción que inunde os silencios;  
libro que descubra horizontes remotos;  
poema que desxee un corazón frío;  
papel onde se poida escribir unha historia.  
Quero ser risa nos espazos tristes,  
e semente que prende no terreo ermo.  
Ser carta de amor para o solitario, e grito forte para o  
xordo...  
Quero ser pastor, árbore ou fonte, canción, libro ou  
poema...  
Papel, risa, grito, carta, semente...  
O que ti queiras, o que ti pidas,  
o que ti soñes, Señor... iso quero ser.  
*José M<sup>a</sup> Rodríguez Olaizola*

**FELIZ DOMINGO, DÍA DEL SEÑOR.**

**RED CATEQUISTAS GALICIA**